

Protocol no. 117**Sezzüda da lündeschdi, 17 october 2011 – 20.00 – 22.30**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Claudia Luppi (protocol)

Protocol

Il protocol no. 116 da la sezzüda da lündeschdi, 10 october 2011 vain approvà.

1041 805 **MEGLIORAZIUN**
20avla ed ultima etappa

Il capo salüda al president da l'ameglioraziun generala chi preschainta la 20avla e cun quai l'ultim'etappa da l'ameglioraziun generala. Quist'etappa cumpiglia:

- Üna nouva punt a Soblantin - 4m largia, da beton e cun saiv
- La sanaziun da la via da Battaglia fin Plattas Sura e da Plan da Porchs fin Plattas Sura
- Ün vial per la prada da la Foppa e da Muntatsch
- Diversas cumplettaziuns dal proget da sauaziun
- L'electrificaziun da la stalla da la famiglia Anna Barbla e Not Buchli

Ils cuosts da fabrica da la 20avla'etappa sun previs cun total frs. 675'000.--. Il president orientescha cha'l Cumün possa eir per quist'etappa calcular cullas subvenziuns chantunalas e federalas chi s'amuntan a 82.6% da la somma da fabrica.

Davò avair survgni spiegaziun sün alchünas dumondas decida il Cussagl cumünal da suottametter la 20avla etappa sco preschantada ad üna radunanza d'orientaziun chi varà lö in november.

1042 021 **FABRICA**
Permiss per systems fotovoltaics

Il Cussagl cumünal vuless evitar chi vegnan montats in connex cun systems fotovoltaics panels solars da culur blaua fera. Perquai decida el da fixar aint ils permiss da fabrica chi das-chan gnir montats be plü panels solars chi han l'aspet principal grisch.

1043 942 **POSSESS DA FINANZAS D'EDIFIZIS**
Cumprita stabilimaint da la Posta

Daspö divers ons es il capo cumünal in trattativas culla Posta a regard las pussibilitats per mantegner ün servezzan da posta uschè larg pussibel. Davo la demischiun dal mainaposta avant ün on as ha la situaziun svilupada da maniera cha la Posta ha decis da mantegner per Sent amo ün servezzan d'agenzia da Posta e da vender il stabilimaint no. 129 in Sot Pradè. Vezziond la situaziun centrala dal stabilimaint vnal e l'eventuala perdita da quist lö predestinà per ün cumün, ha il capo dumandà offerta per la cumprita dal stabilimaint tras il Cumün. Implü ha il capo manà trattativas tant culs respunsabels da la Posta sco eir da la TESSVM a regard ün concept per ün andamaint cumünaivel aint illas localitats in Sot Pradè.

Il concept per üna collavuraziun tanter la TESSVM e la Posta es avantman ed il predsch da cumprita dal stabilimaint da la posta es fixà sün frs. 1'000'000.--. Implü vegnan pro amo alch cuosts per adattamaints interns chi s'amuntan tenor ün preventiv da l'architecta sün raduond frs. 76'000.—

Il Cussagl cumünal decida da suottametter il concept ed il credit per la cumprita e l'adattamaint vi dal stabilimaint da total frs. 1'076'000.-- sco preschantà a la radunaza d'orientaziun dals 24 october 2011.

1045 800 ALPS E PAS-CHS
Allontanamaint da saivs sur inviern

Il schef da god e pauraria orientescha cha las saivs in Alp Sursass nu sajan eir quist on na gnüdas allontanadas e cha'l respunsabel per l'alpigiada in Sursass saja da l'idea cha las saivs sajan rumidas bain avuonda e chi nun hajan da gnir rumidas otramaing. Il Cussagl cumünal decida d'avertir als respunsabels da l'alp cun charta racumandada da rumir tuot las saivs fin il plü tard als 1 november 2011 e da tils render attent sül artichel 32 dal uorden champester da Sent. Implü tils esa da comunicar cha saivs chi nu sajan rumidas davo il termin indichà vegnan rumidas dals lavuraints cumünals e cha quel servezzan vegna mis in quint a la società d'alp da Mals.

1046 62 VIAS CUMÜNALAS
Lavurs da mantegnimaint vi da la via – Curtin

Causa cha la via aint a Curtin as ha sbassada, culla l'aua da plövgia vers las chasas e fa don. Il rimplazzamaint da la salaschada tras catram cuosta tenor l'offerta da la firma Palatini frs. 8881.45 net incl. IPV. Il Cussagl cumünal decida da dar lliber il credit e da surdar la lavur a la firma Palatini.

1047 860.315.03 Attachs novs ed ingrondimaints
Rinforzamaint dal cabel electric per systems fotovoltaics

Pel rinforzamaint dal cabel electric pel sitsem fotovoltaic da sar Jachen Andri Schmidt s'amuntan ils cuosts per la part electrica tenor l'offerta da l'Energia Engiadina sün sfr. 18'500.- incl. IPV. Implü vegnan pro amo ils cuost per la lavur d'impressari pel s-chav chi vain surdatta in redschia tenor las cundiziuns dal Cumün.

Il Cussagl cumünal da liber per la lavur cumpletta ün credit da frs. 29'500.-

1048 860.315.03 Attachs novs ed ingrondimaints
Rinforzamaint dal cabel electric per systems fotovoltaics

Pel rinforzamaint dal cabel electric pel sitsem fotovoltaic da sar Jachen Zanetti s'amuntan ils cuosts per la part electrica tenor l'offerta da l'Energia Engiadina sün sfr. 8'000.- incl. IPV. Implü vegnan pro amo ils cuosts per la lavur d'impressari pel s-chav chi vain surdatta in redschia tenor las cundiziuns dal Cumün.

Il Cussagl cumünal da liber per la lavur cumpletta ün credit da frs. 12'000.-

1049 810.503.02 Magazin cumünal Tuols
Catram fin plazzal suot pro'l lavuratori

Aint il proget dal lavuratori d'eira vairamaing previs da far pro'l plazzal suot sur il catram gross amo üna vetta catram fin. Our da motivs economics d'eira quista lavur gnüda suspaisa. Il Cussagl cumünal decida cha quist'investiziun füss necessaria da far prossmamaing per spargnar in avegnir cuosts da mantegnimaint dal plazzal. Tenor offerta gniss quist lavur a costair raduond frs. 36'500.-.

Causa las temperaturas fingià vaira bassas nun esa però pussibel da manar tras quista lavur amo quist on. L'investiziun vain resguardada aint il preventiv dal 2012.

1050 86

PROVEDIMAINTE ELECTRIC

Rimplazzamaints pel proget dal trafo da Chavorgia previs

Il schef d'energia orientescha chi nu saja amo gratajà da definir il lō definitiv pel trafo da Chavorgia. Perquai nun esa plü pussibel da til realisar fingià quist on. Per pudair accumplir listess amo las pretaisas da l'inspectorat da forza (ESTI) conferma il Cussagl cumünal l'intenziun da trar ouravant otras masüras tenor la glista da prioritats urgiaintas resguardond il rom dal büdschet. Previs esa da rimplazzar il cabel d'ota tensiun tanter Bügliet ed il Fuorn sco eir las chaistas da scumpart dad Archas sura ed Archas suot.

L'actuara: